

# Le verbo eumpersonnel



La gran partia di verbo rapportoù i fénoméno di ten son eumpersonnel.

Ex.: *Ploure - nèivre - torèiné - tsalegné - grelé - failloutsé - rezegné* - etc. (Aymavilles)

De sisse verbo éziste maque la tréjima persona seungueuillì.

Ex.: *L'è pouza que nèi pamì*

*Pren lo pâpleu perqué plout* (Aymavilles)

Caque verbo comme *semblé, eungravé, accapité, conviîn*, etc. son chouèn eumpléyà a la fourma eumpersonnella.

Ex.: *M'eungrave tan de po pouèi t'édjé* (Aymavilles)

Eun remarque que pe caque patoué, la costruchón eumpersonnella dimande d'eumpléyì lo sujé.

Ex.: *I plout - i semble - i fo* (Verrayes)

Lo verbo *falèi* éziste maque deun la fourma eumpersonnella.

Ex.: *I no fo po arreà én rétar*

*I vo-z-engrave de falèi partì* (Verrayes)